

დანართი №5 - სახელმწიფო შესყიდვების შესახებ ხელშეკრულების პროექტი

(სახელმწიფო შესყიდვების შესახებ მოცემული ხელშეკრულების ფორმა და პირობები შესაძლებელია დაზუსტდეს ხელშეკრულების დადების მომენტისათვის მხარეთა მოლაპარაკების საფუძველზე)

წინამდებარე კონტრაქტი გაფორმებულია 2018 წლის -----

მხარეები, ერთის მხრივ, სს „საქართველოს ნავთობისა და გაზის კორპორაცია“ (შემდგომში – “შემსყიდველი”), წარმოდგენილი დირექტორის ტექნიკურ საკითხებში ზაქარია ავალიანის სახით,

და მეორეს მხრივ (შემდგომში “კონტრაქტორი”), წარმოდგენილი

იმ გარემოებიდან გამომდინარე, რომ 2018 წლის ----- შემსყიდველის მიერ სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის “ჟ” ქვეპუნქტის შესაბამისად გამოცხადებულ ----- მშენებლობის ტენდერში ----- გამარჯვებულად გამოცხადდა --- “-----“ ფასით - (-----) ლარი დღგ-ს გარეშე;

სატენდერო დოკუმენტაციის, კონტრაქტორის სატენდერო წინადადების და საქართველოს მოქმედი კანონმდებლობის გათვალისწინებით, წინამდებარე კონტრაქტზე (შემდგომში „კონტრაქტი“) ხელმოწერის გზით შევთანხმდით შემდეგზე:

1. განმარტებები

კონტრაქტში მოცემულ ტერმინებს და ფრაზებს მინიჭებული ექნებათ შემდეგი მნიშვნელობები:

1. „სამუშაოების წარმოების გეგმა-გრაფიკი“ ნიშნავს კონტრაქტორის მიერ მომზადებულ გრაფიკს, ცალკეული სამუშაოების წარმოების და ვადების მითითებით, რომელიც წარმოადგენს კონტრაქტის შემადგენელ ნაწილს - დანართი N-;
2. „საზედამხედველო (ინსპექტირების) ჯგუფი“ ნიშნავს სნგკ-ს მიერ დანიშნულ იმ პირების ჯგუფს, რომლებიც ადგილზე გააკონტროლებენ სამუშაოების მიმდინარეობას და კონტრაქტით განსაზღვრული პირობების შესრულებას;
3. „მიღება-ჩაბარების აქტი“ ნიშნავს კონტრაქტის მხარეების უფლებამოსილი წარმომადგენლების მიერ ხელმოწერილ დოკუმენტს, რომელიც ადასტურებს, შესრულებული სამუშაოების მოცულობას. მიღება-ჩაბარების აქტი ეფუძნება საზედამხედველო (ინსპექტირების) ჯგუფის მიერ წარმოდგენილ დასკვნას;
4. „დასრულების თარიღი“ ნიშნავს სამუშაოების მთლიანი მოცულობით დასრულების თარიღს, რომელიც არ უნდა აღემატებოდეს -----;
5. „კონტრაქტის პირობები“ ნიშნავს პირობებს, რომლებიც მოცემულია წინამდებარე კონტრაქტში და მის დანართებში;
6. „კონტრაქტი“ ნიშნავს წინამდებარე დოკუმენტს, მის დანართებს და მასში განხორციელებულ ცვლილებებს და/ან დამატებებს;
7. „კონტრაქტის დანართები“ ნიშნავს დოკუმენტებს, რომლებიც მოცემულია პუნქტ 3.2-ში მათში შეტანილი ცვლილებების და/ან დამატებების ჩათვლით;
8. „კონტრაქტორის წარმომადგენელი“ ნიშნავს კონტრაქტორის მიერ დანიშნულ უფლებამოსილ წარმომადგენელს;
9. „კონტრაქტის ღირებულება“ – შეადგენს ----- ლარს და მოიცავს საქართველოს კანონმდებლობით გათვალისწინებულ ყველა შესაბამის გადასახადს და გადასახდელს;
10. „კონტრაქტორი“ ამ კონტრაქტის მიზნებისათვის ნიშნავს -----;
11. „დღე“ - ნიშნავს კალენდარულ დღეს;
12. „ხარვეზი“ ნიშნავს სამუშაოს ნებისმიერი იმ ნაწილის შეუსრულებლობას ან არაჯეროვნად შესრულებას, რომლის შესრულებაც გათვალისწინებულია კონტრაქტის, საპროექტო დოკუმენტაციის ან/და სატენდერო დოკუმენტაციით განსაზღვრული პირობების შესაბამისად;
13. „ხარვეზების გამოსწორების აქტი“ ნიშნავს კონტრაქტის მხარეების უფლებამოსილი წარმომადგენლების მიერ ხელმოწერილ დოკუმენტს, რომელიც ადასტურებს კონტრაქტორის მიერ ხარვეზების გამოსწორების ფაქტს;
14. „შესრულებული სამუშაოების საგარანტიო ვადა“ ნიშნავს ----- პერიოდს, რომლის ათვლაც იწყება სამუშაოების მთლიანი მოცულობით დასრულების მიღება-ჩაბარების აქტის ხელმოწერიდან;

15. „ნახაზები“ ნიშნავს გრაფიკულ გამოსახულებას, რომელიც წარმოადგენს საპროექტო დოკუმენტაციის განუყოფელ ნაწილს;
16. „კონტრაქტის ძალაში შესვლის თარიღი“ ნიშნავს კონტრაქტზე უფლებამოსილი წარმომადგენლების მიერ ხელმოწერის თარიღს;
17. „სნგკ“ ნიშნავს სს „საქართველოს ნავთობისა და გაზის კორპორაციას“;
18. „მასალები“ ნიშნავს ყველა იმ მასალას, მათ შორის სახარჯ მასალებს, რომლებსაც იყენებს კონტრაქტორი სამუშაოების შესრულებისას;
19. „საზედამხედველო (ინსპექტირების) ჯგუფის უფროსი“ ნიშნავს სნგკ-ს მიერ დანიშნულ უფლებამოსილ წარმომადგენელს, რომელსაც აქვს უფლება წინამდებარე კონტრაქტის მიზნებისთვის იმოქმედოს სნგკ-ს სახელით და მისცეს შესაბამისი მითითებები ან/და რეკომენდაციები კონტრაქტორს სამუშაოების წარმოების დროს;
20. „სამუშაოები“ ნიშნავს კონტრაქტით განსაზღვრულ საქმიანობას, რომელიც დეტალურად აღწერილია საპროექტო დოკუმენტაციაში დარეგლამენტირებულია საქართველოში მოქმედი სამშენებლო წესებით, ნორმებით და სტანდარტებით, აგრეთვე ხარვეზების გამოსწორებისას იგივე ან მსგავსი სამუშაოების ჩატარებას;
21. „მესამე პირი“ ნიშნავს ნებისმიერ ფიზიკურ ან/და იურიდიულ პირს, რომელსაც კონტრაქტის მხარეების მიმართ გააჩნია ან შესაძლებელია გაუჩნდეს კანონიერი უფლებები და მოვალეობები კონტრაქტის საგნით გათვალისწინებულ ურთიერთობებთან დაკავშირებით.

2. ხელშეკრულების საგანი, მხარეთა ვალდებულებები

1. ხელშეკრულების საგანია ----- სამშენებლო სამუშაოების შესყიდვა.
2. კონტრაქტორი კისრულობს ვალდებულებას, რომ უზრუნველყოფს -----
- მშენებლობას, საპროექტო დოკუმენტაციის, სატენდერო მასალების (მათ შორის კონტრაქტორის მიერ წარმოდგენილი სატენდერო წინადადების) და კონტრაქტის პირობების მიხედვით, ასევე გამოსწორებს შესრულებულ სამუშაოებზე გამოვლენილ დეფექტებს.
3. სნგკ კისრულობს ვალდებულებას, რომ აუნაზღაურებს კონტრაქტორს შესრულებული სამუშაოების ღირებულებას კონტრაქტით გათვალისწინებული პირობების შესაბამისად.

3. კონტრაქტის ინტერპრეტაცია (განმარტება)

1. კონტრაქტის მოცემული პირობების ინტერპრეტაციისას, სათაურებს არა აქვს რაიმე მნიშვნელობა. პირობების ინტერპრეტაციისას კონტრაქტის მუხლებში მოყვანილ სიტყვებს აქვს მათი ნორმალური მნიშვნელობა. მხოლოდ სნგკ-ს შეუძლია გასცეს განმარტებები კონტრაქტის პირობებთან (დანართებთან) დაკავშირებით;
2. კონტრაქტი შედგება შემდეგი დოკუმენტებისაგან, რომელთაგან თითოეული უნდა იქნეს წაკითხული და გაგებული როგორც კონტრაქტის შემადგენელი ნაწილი:
დანართი #-: ხარჯთაღრიცხვა;
დანართი #-: სამუშაოების წარმოების გეგმა-გრაფიკი;
დანართი #-: საპროექტო დოკუმენტაცია
3. საპროექტო დოკუმენტაციის ფარგლებში სნგკ-ს უფლება აქვს კონტრაქტორს პერიოდულად მისცეს დამატებითი დოკუმენტაცია და ინსტრუქციები, რომელიც შეიძლება საჭირო გახდეს სამუშაოების სათანადოდ და ადეკვატურად შესრულების, დასრულების და ხარვეზების გამოსწორების მიზნით. კონტრაქტორმა სამუშაოების შესრულება უნდა უზრუნველყოს აღნიშნული დამატებითი საპროექტო დოკუმენტაციისა და ინსტრუქციების შესაბამისად.

4. კონტრაქტის ენა

კონტრაქტი შედგენილია ორ ეგზემპლარად ქართულ და ინგლისურ ენებზე (საჭიროების შემთხვევაში). კონტრაქტის ქართულ და ინგლისურ ენოვანი ტექსტებს შორის შეუსაბამობის არსებობის შემთხვევაში, უპირატეობა ენიჭება ქართულენოვან ვერსიას.

5. საზედამხედველო (ინსპექტირების) ჯგუფი

1. კონტრაქტორის მიერ ამ კონტრაქტით ნაკისრი ვალდებულებების დროულად და ჯეროვნად შესრულების კონტროლის მიზნით სნგკ ქმნის საზედამხედველო (ინსპექტირების) ჯგუფს, რომელსაც ხელმძღვანელობს ჯგუფის უფროსი. საზედამხედველო (ინსპექტირების) ჯგუფის უფროსს აქვს კონტრაქტორისათვის შესაბამისი მითითებებისა და ინსტრუქციების გაცემის უფლება ან/და კონტრაქტორისათვის „ხარვეზის გამოსწორების შეტყობინების“ გაკეთების უფლება, რომელიც შეიძლება საჭირო გახდეს სამუშაოების სათანადოდ და დროულად შესრულების მიზნით. საზედამხედველო (ინსპექტირების) ჯგუფის უფროსი ასევე უფლებამოსილია მოახდინოს სამუშაოს ნებისმიერი

ნაწილის შეჩერება იმ ვადით სანამ არ მოხდება ხარვეზის სრულად აღმოფხვრა, ასევე იმ შემთხვევაში თუ არ სრულდება საპროექტო დოკუმენტაციაში განსაზღვრული და ქვეყანაში მოქმედი სამშენებლო სტანდარტის მოთხოვნები ან/და კონტრაქტის პირობები და მოსთხოვოს კონტრაქტორს, სნგ-სთვის დამატებითი ხარჯის გარეშე მათი შესრულების უზრუნველყოფა. ხარვეზის გამოსწორების შეტყობინებაში მოცემული მითითებების შესრულება კონტრაქტორისათვის სავალდებულოა.

2. საზედამხედველო ჯგუფი ვალდებულია შეამოწმოს სამუშაოების მიმდინარეობა, მათი შესრულების ხარისხი, ვადები და პროექტთან შესაბამისობა.

6. შეტყობინებები

1. მხარეებს შორის შეტყობინებებს ძალა ექნება მხოლოდ მაშინ, თუ ის შესრულდება წერილობითი ფორმით, მხარისათვის გასაგებ ენაზე და გადაეცემა კონტრაქტის მეორე მხარეს. კონტრაქტორის შემთხვევაში, შეტყობინებები შეიძლება გადაეცეს როგორც კონტრაქტორს, ასევე მის წარმომადგენელს, ამასთან ჩაითვლება, რომ წარმომადგენლისათვის გადაცემული შეტყობინება გადაცემულია კონტრაქტორისათვის.

7. უფლების გადაცემა

1. კონტრაქტორს არ აქვს უფლება სნგ-ს წინასწარი თანხმობის გარეშე მესამე პირებს გადასცეს უფლება კონტრაქტზე ან მის რომელიმე ნაწილზე, ან ამ კონტრაქტით გათვალისწინებულ რაიმე სარგებელს ან ინტერესზე. ამ პუნქტით დადგენილი ნორმების დარღვევა უპირობოდ მიიჩნევა კონტრაქტის დარღვევად, ხოლო კონტრაქტორის მიერ მესამე პირებთან გაფორმებული ნებისმიერი შესაბამისი კონტრაქტი, შეთანხმება ან სხვა ამგვარი დოკუმენტი ითვლება ბათილად.

8. ქვეკონტრაქტების გაფორმება

1. კონტრაქტორს არ აქვს უფლება, სამშენებლო სამუშაოების ნაწილში გააფორმოს ქვეკონტრაქტი მთლიანი სამუშაოს ან სამუშაოს რომელიმე ნაწილის შესრულებასთან დაკავშირებით, თუ ამის შესახებ სნგ-ს წინასწარ წერილობით არ შეატყობინებს და არ მიიღებს შესაბამის წერილობით თანხმობას. სნგ-ს ასეთი თანხმობა არ გაათავისუფლებს კონტრაქტორს კონტრაქტით გათვალისწინებული ნებისმიერი სახის პასუხისმგებლობისა თუ ვალდებულებისგან და იგი პასუხს აგებს ქვეკონტრაქტორისა და მისი მომსახურე პერსონალის მიერ ჩადენილ ნებისმიერი ქმედებაზე, შესრულებულ სამუშაოში დაშვებულ ნებისმიერ ხარვეზზე. კონტრაქტორი ვალდებულია უზრუნველყოს, რომ ქვეკონტრაქტორმა შესასრულოს კონტრაქტის პირობები.

9. პერსონალი

1. კონტრაქტორი ვალდებულია დაიქირავოს სამუშაოების შესასრულებლად საჭირო, შესაბამისი კვალიფიკაციის მქონე პერსონალი. კონტრაქტორი ვალდებულია ერთნაირი კვალიფიკაციის და გამოცდილების მქონე პერსონალის დაქირავებისას უპირატესობა მიანიჭოს საქართველოს მოქალაქეებს სხვა ქვეყნის მოქალაქეებთან მიმართებაში.

2. კონტრაქტორი სამუშაოების შესრულებასა და მათ დასრულებასთან დაკავშირებით, აგრეთვე სამუშაოების შესრულებისას დაშვებული ხარვეზების გამოსწორების მიზნით, უზრუნველყოფს მხოლოდ ისეთი ტექნიკური პერსონალის დაქირავებას, რომელიც გამოცდილი და კვალიფიციურია შესაბამის სპეციალობაში და ისეთი სამუშაოთა მწარმოებლების და ზედამხედველების დაქირავებას, რომლებსაც შესწევთ უნარი უზრუნველყონ შესაბამისი ზედამხედველობა სამუშაოებზე.

3. იმ შემთხვევაში, თუ საზედამხედველო (ინსპექტირების) ჯგუფის უფროსი მიმართავს კონტრაქტორს ხარვეზის გამოსწორების შეტყობინებით, რომელიც ასევე შეიძლება მოიცავდეს ხარვეზის გამოსწორების მიზნით კონტრაქტორის გუნდის ან სამუშაო ჯგუფის წევრი კონკრეტული პირის მიმართ სამუშაოს შესრულების შეზღუდვას და შესაბამისი არგუმენტების საფუძველზე დასაბუთებას აღნიშნულთან დაკავშირებით, კონტრაქტორმა უნდა უზრუნველყოს, რომ დასახელებულმა პიროვნებამ დაუყოვნებლივ დატოვოს სამშენებლო მოედანი და მას აღარ გააჩნდეს შეხება კონტრაქტით განსაზღვრულ სამუშაოებთან.

4. კონტრაქტორი თავად უზრუნველყოფს საკუთარ თანამშრომლებს საცხოვრებელით, ანაზღაურებით, კვებით და ტრანსპორტით.

5. კონტრაქტორი ვალდებულია სამუშაოების წარმოების მთელი პერიოდისათვის უზრუნველყოს საქართველოს კანონმდებლობითა და პროექტით გათვალისწინებული საერთაშორისო სტანდარტების შესაბამისი უსაფრთხოების წესების დაცვა.

10. კონტრაქტორის წარმომადგენელი

1. კონტრაქტორის წარმომადგენელი უფლებამოსილია კონტრაქტორის სახელით მიიღოს სამუშაოს შესრულებასთან დაკავშირებით საზედამხედველო (ინსპექტირების) ჯგუფის მიერ საპროექტო დოკუმენტაციის ფარგლებში გაცემული ყველა დირექტიული მითითება და ინსტრუქცია.

2. კონტრაქტორს არა აქვს თავისი წარმომადგენლის შეცვლის უფლება სნგ-ს წინასწარი თანხმობის გარეშე. მსგავსი

თანხმობა არ ათავისუფლებს კონტრაქტორს მოცემული კონტრაქტით გათვალისწინებული ვალდებულებებისაგან.

11. კონტრაქტორის რისკები

1. კონტრაქტის ძალაში შესვლის თარიღიდან სამუშაოების მთლიანი მოცულობით მიღება-ჩაბარების აქტის გაფორმებამდე, კონტრაქტორს ეკისრება პერსონალის დაშვებასთან, სიკვდილთან და ქონების დაკარგვასა თუ დაზიანებასთან, გარემოს დაბინძურებასთან, ასევე, მესამე პირებთან დაკავშირებული ყველა რისკი და ამ რისკებიდან წარმოშობილი ზიანის სრული ანაზღაურების ვალდებულება საქართველოს კანონმდებლობის დადგენილ ფარგლებში.

12. შესრულებული სამუშაოების საგარანტიო ვადა

1. სამუშაოების მთლიანი მოცულობით დასრულების დამადასტურებელი მიღება-ჩაბარების აქტის ხელმოწერიდან ----- ვადაში სამშენებლო სამუშაოზე (დანადგარებისა და მოწყობილობების ჩათვლით) მიმწოდებელმა უნდა გაავრცელოს მინიმუმ 12 (თორმეტი) თვიანი გარანტია, რომ მის მიერ შესრულებულ სამუშაოებს (დანადგარებისა და მოწყობილობების ჩათვლით) არ ექნება დეფექტი, წინააღმდეგ შემთხვევაში მიმწოდებელი ვალდებულია საკუთარი ხარჯებით განახორციელოს გამოვლენილი დეფექტების აღმოფხვრა შემსყიდველთან შეთანხმებულ გონივრულ ვადებში, მაგრამ არაუაშუაშუა 45 (ორმოცდახუთი) კალენდარული დღისა; მოწყობილობის შემთხვევაში დეფექტების აღმოფხვრა უნდა მოხდეს შეკეთებით ან/და ახლით შეცვლით.

2. მიმწოდებელი ვალდებულია, ხელშეკრულების გაფორმების შემდგომ (დანადგარებისა და მოწყობილობების დამონტაჟებამდე) შემსყიდველს მიაწოდოს სრული დოკუმენტაცია მის მიერ დასამონტაჟებული დანადგარებისა და მოწყობილობების ექსპლუატაციისა და მოვლა-პატრონობის პირობების შესახებ, წინააღმდეგ შემთხვევაში, მიმწოდებლის უარი საგარანტიო მომსახურებაზე ექსპლუატაციის პირობების დაუცველობის მოტივით არ მიიღება.

13. ზიანის ანაზღაურება და ხარვეზების გამოსწორება

1. კონტრაქტორი იღებს სრულ პასუხისმგებლობას ნებისმიერ ზიანზე (პირდაპირი თუ არაპირდაპირი) ან დანაკარგზე, რომელიც ამ ხელშეკრულების ფარგლებში მიადგება სნგკ-ს ხელშეკრულების ძალაში შესვლიდან საგარანტიო ვადის მოქმედების დასრულებამდე.

2. კონტრაქტორი ვალდებულია საკუთარი ხარჯით გამოასწოროს ნებისმიერი დეფექტი/ხარვეზი იმგვარად, რომ შესრულებული სამუშაო სრულ შესაბამისობაში იყოს კონტრაქტის პირობებთან.

3. კონტრაქტორის მიერ ხარვეზების გამოსწორებასთან დაკავშირებული ყველა სამუშაო შესრულებული იქნება საპროექტო დოკუმენტაციის და კონტრაქტის პირობების დაცვით, იმგვარად, რომ კონტრაქტორმა სნგკ-ს ააცილოს ყველანაირი პრეტენზია, ზიანი, ხარჯი.

4. კონტრაქტორი ხარვეზების გამოსწორებისას ასევე პასუხისმგებელია საქართველოს კანონმდებლობის შესაბამისად ანაზღაუროს ყველა ის ზიანი, რომელიც მისი ქმედებიდან გამომდინარე მიადგა მესამე პირს.

5. კონტრაქტორის მიერ შესრულებულ და სნგკ-ს მიერ უკვე მიღებული სამუშაოებზე ან მათ ნაწილზე ნებისმიერი ზემოქმედებით გამოწვეული დაზიანება (ხარვეზი) აღმოფხვრილი უნდა იქნეს კონტრაქტორის მიერ, სამუშაოების მთელი მოცულობით დასრულების მიღება-ჩაბარების აქტის გაფორმებამდე.

14. კონტრაქტორის მიერ სამუშაოს შესრულება

1. კონტრაქტორი კონტრაქტის პირობების მიხედვით, შესაბამისი ძალისხმევით და მონდომებით დაგეგმავს (კონტრაქტის ფარგლებში), შეასრულებს და დაასრულებს სამუშაოებს, ასევე გამოასწორებს ნებისმიერ ხარვეზს.

2. კონტრაქტორი უზრუნველყოფს სამუშაოთა სრულ ზედამხედველობას, სამუშაო ძალის დაქირავებას, საჭირო მასალებითა და მოწყობილობით უზრუნველყოფას, ყველა სხვა სამუშაოს, იქნება ის დროებითი ხასიათის, თუ მუდმივი, რომელიც საჭიროა მის მიერ კონტრაქტით განსაზღვრული ვალდებულებების შესრულებისათვის.

3. კონტრაქტორი აწარმოებს სამშენებლო სამუშაოებს საპროექტო დოკუმენტაციის შესაბამისად. კონტრაქტორი დაუყონებლივ, მაგრამ არაუგვიანეს ხელშეკრულების გაფორმებიდან 2 დღის ვადაში, შეატყობინებს სნგკ-ს ნებისმიერი შეცდომის, წუნის ან ხარვეზის შესახებ საპროექტო დოკუმენტაციაში.

4. კონტრაქტორი კისრულობს სრულ პასუხისმგებლობას ადგილზე შესასრულებელი სამუშაოების ადეკვატურობასა, სტაბილურობასა და უსაფრთხოებაზე, აგრეთვე საპროექტო დოკუმენტაციით განსაზღვრული სამშენებლო წესების, ნორმების და სტანდარტების შესრულებასთან და მშენებლობის ორგანიზებასთან დაკავშირებით.

5. კონტრაქტორი მკაცრად დაემორჩილება და იმოქმედებს საზედამხედველო (ინსპექტირების) ჯგუფის მიერ გაცემული მითითებების შესაბამისად სამუშაოებთან დაკავშირებულ ნებისმიერ საკითხზე. კონტრაქტორი ვალდებულია საპროექტო დოკუმენტაციის ფარგლებში მიიღოს მითითებები მხოლოდ სნგკ-გან (ან მისი უფლებამოსილი პირისაგან).

15. სამუშაოების წარმოების ვადა

1. კონტრაქტორი უზრუნველყოფს სამუშაოთა დასრულებას სამუშაოთა წარმოების გეგმა-გრაფიკში (დანართი #-) აღნიშნულ ვადებში.
2. კონტრაქტორმა სამუშაოთა წარმოების გეგმა-გრაფიკის (დანართი N-) შედგენისას უნდა გაითვალისწინოს, რომ სამუშაოების სრული მოცულობით დასრულების თარიღი არ უნდა აღემატებოდეს 201-- წლის -----.

16. ჯანმრთელობის და უსაფრთხოების საკითხები

1. კონტრაქტორი პასუხისმგებელია სამშენებლო ობიექტზე სამუშაოების უსაფრთხოდ წარმოებასა და ჯანმრთელობის დაცვაზე მოქმედი კანონმდებლობის და მოცემული საპროექტო დოკუმენტაციის შესაბამისად.

17. გარემოს დაცვის, კულტურული მემკვიდრეობის და სოციალური ზეგავლენის საკითხები

1. კონტრაქტორი, საქართველოს მოქმედი კანონმდებლობის შესაბამისად, პასუხისმგებელია ყველა შესაძლო ნეგატიურ ზეგავლენაზე, რომელიც მიმდინარე სამუშაოებმა შეიძლება მოახდინოს გარემოზე და ისტორიულ/კულტურულ მემკვიდრეობაზე.
2. კონტრაქტორი და ქვეკონტრაქტორი (არსებობის შემთხვევაში) ვალდებული არიან დაექვემდებარონ შესაბამისი კანონების მოთხოვნებს და დებულებებს, რომელიც დაკავშირებულია გარემოზე და ისტორიულ-კულტურულ მემკვიდრეობაზე და საზოგადოებაზე ზეგავლენის საკითხებთან (რაც თავის მხრივ შეზღუდვის გარეშე მოიცავს გარემოს დაბინძურების თავიდან აცილებას, ისტორიულ/კულტურულ მემკვიდრეობის დაცვას და სხვა გადაუდებელ ღონისძიებებს).
3. სამუშაოთა მიმდინარეობის მთელი პერიოდის განმავლობაში და მათი დასრულების მომენტისათვის, აგრეთვე ხარვეზების გამოსწორების პერიოდში, კონტრაქტორი ყველა ღონეს იხმარს, რათა დაიცვას მშენებლობის მომიჯნავე გარემო, სოციალურ გარემო, ისტორიულ/კულტურული მემკვიდრეობა ნეგატიური ზეგავლენისაგან და ცალკეული პიროვნებები შეწუხებისა და მათი ქონების დაზიანებისაგან, რაც დაკავშირებულია გარემოს დაბინძურებასთან ან სხვა მიზეზებთან.

18. გარემოს დაბინძურება

1. სამუშაოთა წარმოების და მათი დასრულების შემდგომ კონტრაქტორი საკუთარი ხარჯით უზრუნველყოფს სამშენებლო ნარჩენების და ნაგვის გატანას, რომელიც წარმოიქმნა მშენებლობის პროცესში. კონტრაქტორი ვალდებულია დაემორჩილოს სნგკ-ს მოთხოვნას, რომელიც ითვალისწინებს სამუშაოთა მიმდინარეობის განმავლობაში მსგავსი დასუფთავების ღონისძიებების გატარებას.
2. სამუშაოების დასრულებისთანავე კონტრაქტორი ვალდებულია დაუყოვნებლივ გაიტანოს სამშენებლო მოედნიდან კონტრაქტორის და ქვე-კონტრაქტორის (არსებობის შემთხვევაში) კუთვნილი მოწყობილობა, მასალები, ხარაჩოები, დროებითი ნაგებობები და მსგავსი კონსტრუქციები.
3. კონტრაქტორი კისრულობს ვალდებულებას დაიცვას ნიადაგი და წყალი დაბინძურებისაგან, რომელიც გამოწვეულია, მაგრამ არ შემოიფარგლება გადმოღვრით, გაჟონვით ან საწვავის, ძრავის შესაზეთი მასალების, საღებავების, დასაგრუნტი მასალების, გამხსნელების დაღვრით, ნარჩენებით, ნაგვით და სხვა მასალებით, რომლებიც კონტრაქტორის ან ქვე-კონტრაქტორის საკუთრებაში ან კონტროლის ქვეშაა და იღებს ვალდებულებას მის გატანაზე და აგრეთვე იმაზე, რომ დაიცვას სნგკ ("ზიანისაგან დაცული მხარე") მის მიმართ წაყენებული პრეტენზიისაგან, მოთხოვნისაგან, ხარჯისაგან, სასამართლო გარჩევისაგან, დანაკარგისაგან და სხვა ხარჯისაგან, რომლებიც წარმოიქმნება კონტრაქტორის დაუდევრობის მიზეზით ან მის მიერ მესამე პირთა უფლებების დარღვევისას.
4. კონტრაქტორი ვალდებულია უზრუნველყოს სამუშაოების წარმოების შედეგად წარმოქმნილი ნარჩენების (სახიფათო და არასახიფათო) სეპარირებული შეგროვება, აღრიცხვა, დროებით უსაფრთხოდ განთავსება და გადაცემა გაუვნებელოფა-გადამუშავების მიზნით, გარემოზე ზემოქმედების ნებართვის მქონე სათანადო ლიცენზირებული ორგანიზაციისათვის.
5. სამშენებლო სამუშაოების წარმოებისას ნებისმიერი სახის ზიანი ან დანაკარგი, რომელიც მიაღდა მესამე მხარის ქონებას, დაუყოვნებლივ იქნება კონტრაქტორის მიერ აღდგენილი პირვანდელ მდგომარეობამდე ან ჩანაცვლებული უკეთესით ან/და ანაზღაურებული იქნება შესაბამისი ღირებულებით. აღნიშნული მდგომარეობა დაექვემდებარება მოლაპარაკებას კონტრაქტორსა და ზემოქმედების ქვეშ მყოფ მესამე მხარე(ებ)ს შორის.
6. სამუშაოების ზემოქმედების ქვეშ მოყოლილ მიწის ნაკვეთების აღდგენის შემდეგ კონტრაქტორი ვალდებულია მიწის მესაკუთრეთაგან გააფორმოს შესაბამისი მიღება-ჩაბარების აქტი, რომელსაც ხელს აწერს მესამე პირი, ასევე კონტრაქტორის უფლებამოსილი პირი.

19. ნებართვები და ლიცენზიები

1. სნგკ კონტრაქტორს გადასცემს სახელმწიფო ორგანოებიდან მის მიერ მოპოვებულ მშენებლობის ნებართვას.
2. წინამდებარე მუხლის პირველ პუნქტში აღნიშნული ნებართვის გარდა, კონტრაქტორი ვალდებულია თავად, საკუთარი ხარჯებით მოიპოვოს სამუშაოთა საწარმოებლად საჭირო ყველა სხვა უფლებები, ნებართვები და ლიცენზიები (ასეთის საჭიროების შემთხვევაში).

3. კონტრაქტორი, საჭიროების შემთხვევაში ვალდებულია საკუთარი სახსრებით უზრუნველყოს სამუშაოების წარმოებისათვის საჭირო დამატებით მიწის ფართობებზე დროებითი სარგებლობის უფლების მოპოვება. დამატებითი მიწის ფართობების გამოყენების საჭიროებას განსაზღვრავს თავად კონტრაქტორი. ასეთ დამატებით მიწაზე კონტრაქტორის მიერ მიყენებულ ნებისმიერ ზიანზე ან ზარალზე, რომელიც მიაღდა მიწის მესაკუთრეს, მოსარგებლეს, მფლობელს ან ნებისმიერ სხვა პირს, პასუხისმგებელია კონტრაქტორი.

20. სამუშაოების წარმოების გეგმა-გრაფიკი

1. სამუშაოების შესრულების ვადების კონტროლი ხორციელდება სამუშაოების წარმოების გეგმა-გრაფიკის საფუძველზე, რომლებიც წარმოადგენს ამ კონტრაქტის #- დანართს.
2. სნგკ იტოვებს უფლებას მოითხოვოს ნებისმიერი სამშენებლო ეტაპის შეჩერება იმ პერიოდამდე, სანამ კონტრაქტორი არ შეასრულებს წინა ან მომდევნო სამშენებლო ეტაპს დანართ #- ში მოცემული გრაფიკის ვადების შესაბამისად.

21. დროული გაფრთხილება

1. კონტრაქტორმა დროულად უნდა გაუზიაროს სნგკ-ს გაფრთხილება იმ მოსალოდნელ მოვლენებთან და გარემოებებთან დაკავშირებით, რომლებმაც შეიძლება უარყოფითად იმოქმედონ სამუშაოების მიმდინარეობაზე.

22. სამუშაოს ხარისხი და ინსპექტირება

1. სამუშაოს ხარისხი უნდა შეესაბამებოდეს კონტრაქტით განსაზღვრულ ხარისხს და საპროექტო დოკუმენტაციით განსაზღვრულ მოთხოვნებს. სამუშაოს ხარისხი დროდადრო შემოწმდება სნგკ-ს მიერ თავად სამშენებლო ობიექტზე ან სხვა განსაზღვრულ ტერიტორიაზე. კონტრაქტორმა უნდა მოახდინოს სამუშაოების და მასალების ტესტირების ჩასატარებლად ყველა საჭირო საშუალებით, ტექნიკით და სამომხმარებლო ნივთებით უზრუნველყოფა, ასევე შეატყობინოს სნგკ-ს ტესტირების ჩატარების თაობაზე ტესტირების ჩატარებამდე არაუგვიანეს 48 საათისა, რათა სნგკ-მ შეძლოს ნებისმიერი სახის ინსპექტირებასა და ტესტირებაზე დასწრება.
2. ყველა სამუშაო უნდა გაიაროს საპროექტო დოკუმენტაციის თანახმად სისტემატიური ინსპექტირება და ხარისხის კონტროლი. კონტრაქტორმა სნგკ-ს უნდა მიაწოდოს შესრულებული სამუშაოების ყოველდღიური ანგარიში და საჭიროებისამებრ გაატაროს ღონისძიებები პრობლემის აღმოსაფხვრელად. სნგკ-ს გადაეცემა ხარვეზების, მათ შორის გარემოსდაცვით და უსაფრთხოების საკითხებთან დაკავშირებული ხარვეზების შესახებ დოკუმენტაცია და ანგარიშები.
3. ხარისხის კონტროლის საფუძველზე გამოვლენილი ყველა დეფექტი ან/და დარღვევა დაუყოვნებლივ, მაგრამ არაუგვიანეს 24 საათისა შესაბამისი დეფექტის ან/და დარღვევის გამოვლენის მომენტიდან, უნდა ეცნოთ საზედამხედველო (ინსპექტირების) ჯგუფის უფროსს და მის მიერ უნდა გაიცეს მითითება გამოსასწორებელ ღონისძიებებთან დაკავშირებით. იმ შემთხვევაში, თუ კონტრაქტორის საქმიანობაში აღმოჩენილ იქნა ხარვეზი, კონტრაქტორი ვალდებულია გამოასწოროს აღნიშნული ხარვეზი საზედამხედველო (ინსპექტირების) ჯგუფის უფროსის მიერ გაგზავნილ ხარვეზის გამოსწორების შეტყობინებაში განსაზღვრულ გონივრულ ვადებში.
4. თუ საზედამხედველო (ინსპექტირების) ჯგუფის ან მოწვეული ხარისხის შემფასებლის (ასეთის არსებობის შემთხვევაში) მიერ აღმოჩენილ იქნა დარღვევები, ისინი ამის შესახებ დაუყოვნებლოვ აცნობენ მხარეებს.
5. სამშენებლო სამუშაოების არცერთი ნაწილი არ უნდა სრულდებოდეს სნგკ-ს მხრიდან კონტროლისა, ინსპექტირების და შესაბამისი აქტის შედგენის გარეშე. კონტრაქტორი ვალდებულია შეატყობინოს სნგკ-ს ნებისმიერი სამშენებლო სამუშაოების დაწყების მზადყოფნის შესახებ.
6. კონტრაქტორმა სნგკ-ს მითითების თანახმად ხელმისაწვდომი უნდა გახადოს სამუშაოების ინსპექტირება. კონტრაქტორმა უნდა უზრუნველყოს სამუშაოს ნებისმიერი ნაწილის შესრულება საპროექტო დოკუმენტაციის ფარგლებში სნგკ-ს მოთხოვნების შესაბამისად.
7. სნგკ-ს და სხვა უფლებამოსილ პირს, კონტრაქტისან/და სხვა მარეგულირებელი კანონმდებლობის შესაბამისად, აქვთ უფლება ნებისმიერ დროს კონტრაქტთან შესაბამისობის ან სამუშაოების მსვლელობის შეფასების მიზნით მოახდინოს სამშენებლო მოედანზე სამუშაოების წარმოების და სამუშაოებისთვის განკუთვნილი მასალების და კონტრაქტორის ან მისი მიმწოდებლის ან ქვეკონტრაქტორის (არსებობის შემთხვევაში) ნაგებობების ინსპექტირება. კონტრაქტორმა უნდა მოახდინოს ინსპექტირებისთვის შესაბამისი, უსაფრთხო და სათანადო საშუალებებით უზრუნველყოფა.
8. სნგკ-ს მიერ დადგენილი ხარვეზის გამოსწორება კონტრაქტორმა უნდა დაიწყოს დაუყოვნებლივ, კონტრაქტორის სახსრებით. კონტრაქტორის მიერ ხარვეზის სრულ და ჯეროვნად აღმოფხვრამდე მხარეებს შორის სამუშაოს მიღება-ჩაბარების აქტის გაფორმება არ განხორციელდება. იმ შემთხვევაში, თუ კონტრაქტორი ვერ, ან არ განახორციელებს ხარვეზის აღმოფხვრას ხარვეზის გამოსწორების შეტყობინებაში მითითებულ ვადაში, მაშინ ეს ჩაითვლება კონტრაქტის პირობის დარღვევად.

23. ტესტირება

1. თუ საპროექტო დოკუმენტაციაში სხვაგვარად არ ხდება ფორმულირება, კონტრაქტორმა მისი სამუშაოების შესრულების მსვლელობისას, დამატებითი ანაზღაურების გარეშე უნდა ჩაატაროს წინამდებარე კონტრაქტით განსაზღვრული ყველა ტესტირება. იმისათვის, რომ სნგკ-მ შეძლოს დასწრება კონტრაქტორმა ან ქვეკონტრაქტორმა ტესტირების ჩატარებამდე 48 საათით ადრე სნგკ-ს უნდა შეატყობინოს ჩასატარებელი ტესტირების თაობაზე. სნგკ-ს მიერ ტესტირებაზე დასწრება ან არდასწრება არ ათავისუფლებს კონტრაქტორს იმ პასუხისმგებლობისაგან, რომელიც მას ეკისრება სნგკ-ს მიმართ ხარვეზის მქონე მასალების თუ სამუშაოების არსებობის შემთხვევაში.
2. ყველა ტესტირების ჩატარება, რომელიც განისაზღვრება წინამდებარე კონტრაქტით უნდა განხორციელდეს კონტრაქტორის დანახარჯებით. თუ ტესტირება აჩვენებს, რომ მასალების ან სამუშაოს ხარისხი არ შეესაბამება კონტრაქტის პირობებით განსაზღვრულ მოთხოვნებს, დამატებითი ტესტირების საფასური, რომელიც შეიძლება მოითხოვოს სნგკ-მ უნდა დაფაროს კონტრაქტორმა.
3. სნგკ-ს უფლება აქვს მოითხოვოს კონტრაქტორის ხარჯებით კონტრაქტით გაუთვალისწინებელი ტესტირების ჩატარება იმისათვის, რომ დარწმუნდეს რომელიმე სამუშაოს, მასალის ან მოწყობილობის კონტრაქტის პირობებთან შესაბამისობაში.
4. თუ რომელიმე მასალის ტესტირების შედეგები აღმოჩნდა არადაამაკმაყოფილებელი, ასეთ შემთხვევაში, კონტრაქტორი უზრუნველყოფს მასალის საჭირო კონდიციამდე აღდგენას ან ჩანაცვლებას. ნებისმიერ შემთხვევაში, კონტრაქტორი ვალდებულია საკუთარი სახსრებით და 23.1 და 23.2 მუხლებში მოცემული პროცედურების დაცვით გაიმეოროს ტესტირება.

24. ხარვეზების გამოსწორება

1. კონტრაქტით განსაზღვრული სამუშაოების დასრულების შემდეგ, სამუშაოების საგარანტიო პერიოდის დასრულებამდე, სნგკ კონტრაქტორს გაუზიარებს შეტყობინებას ნებისმიერი აღმოჩენილი ხარვეზის გამოსწორების/აღმოფხვრის მოთხოვნის თაობაზე.
2. ყოველი ხარვეზის გამოსწორების შეტყობინების დროს კონტრაქტორმა უნდა მოახდინოს შესაბამისი ხარვეზის გამოსწორება შეტყობინებაში განსაზღვრული ვადის განმავლობაში. აღნიშნული ვადის დარღვევა წარმოადგენს კონტრაქტის პირობის დარღვევას.

25. ცვლილებები

1. სნგკ-ს აქვს უფლება პროექტის მიზნებიდან გამომდინარე, ცალმხრივად მიიღოს გადაწყვეტილება სამუშაოების მოცულობის ცვლილებებთან დაკავშირებით ასეთი ცვლილებები შესაძლოა მოიცავდეს: სამუშაოების მოცულობის დამატებას, შემცირებას, გაუქმებას, ჩანაცვლებას ან სხვა სახის ცვლილებას. კონტრაქტორი ვალდებულია დაეთანხმოს სნგკ-ს მოთხოვნას სამუშაო მოცულობის ცვლილებების შეტანასთან დაკავშირებით.
2. კონტრაქტორმა სნგკ-ს მიერ მოთხოვნილი ცვლილებების შესაბამისად უნდა უზრუნველყოს სამუშაოების მოცულობათა ცხრილის (ხარჯთაღრიცხვის), აგრეთვე კონტრაქტის სხვა დანართების მომზადება, რომელიც უნდა ეფუძნებოდეს ერთეული სამუშაოს ღირებულებას.
3. კონტრაქტში შეტანილი ცვლილებები და დამატებები იურიდიულ ძალას იძენენ მათი ხელმოწერის შემდეგ.

26. სამუშაოების მიღება-ჩაბარების წესი

1. სამუშაო ჩაითვლება მიღებულად მხოლოდ ხელშეკრულებით განსაზღვრული სამუშაოს სრულად შესრულების შესახებ მიღება-ჩაბარების აქტის ორივე მხარის მიერ ხელმოწერის შემდეგ. სამუშაოს მიღება-ჩაბარების თარიღად ჩაითვლება მიღება-ჩაბარების აქტზე დაფიქსირებული თარიღი.
2. მიღება-ჩაბარების აქტის ხელმოწერა/დადასტურება, შემსყიდველის მხრიდან შენიშვნების არ არსებობის შემთხვევაში, უნდა განხორციელდეს აქტის წარდგენიდან 30 (ოცდაათი) სამუშაო დღის განმავლობაში, ხოლო შენიშვნების არსებობის შემთხვევაში, მიმწოდებელს წერილობით უნდა გაეგზავნოს შეტყობინება აქტის წარდგენიდან 30 (ოცდაათი) სამუშაო დღის განმავლობაში, წინააღმდეგ შემთხვევაში სამუშაოები შემსყიდველის მიერ ჩაითვლება მიღებულად.
3. კონტრაქტორის მიერ გაწეული სამუშაოს (მისი ნაწილის) მიღებისას და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს კონტრაქტორი.
4. მიღება-ჩაბარების აქტს ხელს აწერენ სნგკ-სა და კონტრაქტორის შესაბამისი უფლებამოსილი პირები სნგკ-ს ინსპექტირების ჯგუფის დასკვნის საფუძველზე.

27. ანგარიშსწორება

1. კონტრაქტორის წერილობითი მოთხოვნის შემთხვევაში, სნგკ კონტრაქტორს ავანსის სახით გადაუხდის კონტრაქტის ჯამური ღირებულების არაუმეტეს 50%-ს (ორმოცდაათი პროცენტს), კონტრაქტორის მიერ სნგკ-სათვის 34-ე მუხლში მითითებული შესაბამისი საბანკო გარანტიის წარდგენიდან 5 სამუშაო დღის განმავლობაში.
2. სნგკ კონტრაქტორს შესრულებული სამუშაოების ღირებულებას აუნაზღაურებს უნაღდო ანგარიშსწორების გზით,

კონტრაქტორის მიერ სნგკ-სათვის სამუშაოების სრულად შესრულების შემდგომ, დეტალური მოცულობათა ცხრილი (ხარჯთაღრიცხვა, ფორმა #2), მიღება-ჩაბარების აქტი და ანგარიშ-ფაქტურა (ინვოისი)-ს წარდგენიდან და მითითებული დოკუმენტაციის სნგკ-ს მიერ დადასტურებიდან არაუადრეს 8 (რვა) და არაუგვიანეს 10 (ათი) სამუშაო დღის ვადაში.

3. კონტრაქტორთან ანგარიშსწორებისას, გადახდილი საავანსო თანხის მთლიანი მოცულობით გაქვითვამდე, კონტრაქტორისათვის გადასახდელი თანხიდან სნგკ გამოქვითავს ინვოისში (ანგარიშფაქტურაში) მითითებული თანხის 25%-ს (ოცდახუთი პროცენტი). მას შემდეგ, რაც აღწერილი მეთოდით სრული მოცულობით გაიქვითება კონტრაქტორისათვის გადახდილი ავანსი, სნგკ სრულად აანაზღაურებს შესრულებული სამუშაოებისათვის ინვოისში მითითებულ თანხას.

4. კონტრაქტორის რეკვიზიტებია: -----

28. გადასახადები

1. კონტრაქტორი პასუხისმგებელია გადაიხადოს მოქმედი კანონმდებლობით გათვალისწინებული ყველა სახის გადასახადი, გადასახდელი და მოსაკრებელი.

29. კონტრაქტით გათვალისწინებული ანგარიშსწორების ვალუტა

1. ხელშეკრულება გაფორმდება საქართველოს ეროვნულ ვალუტა – ლარში. იმ შემთხვევაში, თუ მიმწოდებელი იქნება საქართველოს რეზიდენტი, ანგარიშსწორება განხორციელდება ლარში, ხოლო საქართველოს არარეზიდენტი მიმწოდებლის შემთხვევაში ანგარიშსწორება განხორციელდება ანგარიშსწორების დღისათვის საქართველოს ეროვნული ზანკის მიერ დადგენილი ოფიციალური გაცვლითი კურსის შესაბამისად აშშ დოლარში.

30. კონტრაქტორის პასუხისმგებლობა

1. იმ შემთხვევაში, თუ კონტრაქტორი ვერ შეძლებს კონტრაქტით განსაზღვრული სამუშაოების მთლიანი მოცულობის შესრულებას და სნგკ-სთან შესაბამისი მიღება-ჩაბარების აქტის გაფორმებას დასრულების თარიღის დადგომამდე რაც წარმოადგენს კონტრაქტის პირობის დარღვევას, მაშინ კონტრაქტორი სნგკ-ს გადაუხდის პირგასამტეხლოს სამუშაოების დასრულების თარიღის შემდგომ ყოველი ვადაგადაცილებული დღეზე ხელშეკრულების საერთო ღირებულების 0,05 % პროცენტის ოდენობით. სნგკ-ს უფლება აქვს მოახდინოს გადასახდელი პირგასამტეხლოს გამოქვითვა კონტრაქტორისთვის გადასახდელი თანხიდან.

2. კონტრაქტორის მიერ კონტრაქტის პირობების დარღვევის შემთხვევაში სნგკ-ს 33 მუხლის შესაბამისად უფლება აქვს შეწყვიტოს კონტრაქტი და გამოიყენოს კონტრაქტორის მიერ წარმოდგენილი კონტრაქტის შესრულების უზრუნველყოფის საბანკო გარანტია და ასევე საავანსო საბანკო გარანტია.

31. სამუშაოს შესრულება

1. სამუშაოები დასრულებულად ჩაითვლება სამუშაოების მთლიანი მოცულობით დასრულებისა და მიღება-ჩაბარების აქტის გაფორმების შემდეგ.

32. ექსპლუატაციისა და ტექნიკური მომსახურების სახელმძღვანელოები

1. კონტრაქტორმა სამუშაოების მთლიანი მოცულობით მიღება-ჩაბარების აქტის გაფორმებამდე უნდა უზრუნველყოს საპროექტო დოკუმენტაციის თანახმად სამშენებლო სამემსრულებლო ნახაზების და სხვა სათანადო ტექნიკური დოკუმენტაციის წარდგენა სნგკ-ში.

2. იმ შემთხვევაში თუ კონტრაქტორი ვერ უზრუნველყოფს სამუშაოების მთლიანი მოცულობით მიღება-ჩაბარების აქტის გაფორმებამდე სამშენებლო სამემსრულებლო ნახაზების და სხვა სათანადო ტექნიკური დოკუმენტაციის წარდგენას სნგკ-ში განმარტებით ბარათში მოცემული პირობების დაცვით (დანართი -), ეს უკანასკნელი იტოვებს უფლებას შეაჩეროს სამუშაოების მთლიანი მოცულობით მიღება-ჩაბარების აქტის გაფორმება.

33. კონტრაქტის შეწყვეტის საფუძვლები

1. საქართველოს კანონმდებლობით გათვალისწინებული წესით კონტრაქტორს უფლება აქვს შეწყვიტოს კონტრაქტი იმ შემთხვევაში თუ სნგკ არ ასრულებს წინამდებარე კონტრაქტით ნაკისრ ვალდებულებებს.

2. სნგკ-ს უფლება აქვს ვადამდე შეწყვიტოს კონტრაქტი იმ შემთხვევაში თუ კონტრაქტორი არ ასრულებს (არღვევს) წინამდებარე კონტრაქტით აღებულ ვალდებულებებს, მათ შორის:

2.1. კონტრაქტორმა ვერ ან არ შეასრულა ხარვეზის გამოსწორების შეტყობინებაში დაფიქსირებული მოთხოვნები შეტყობინებაში მითითებულ ვადაში.

2.2. კონტრაქტორის მხრიდან სამუშაოების წარმოება მიმდინარეობს საპროექტო დოკუმენტაციაში განსაზღვრული პირობების დარღვევით;

2.3. კონტრაქტორის მიერ გადასახდელი პირგასამტეხლოს ოდენობა გადააჭარბებს კონტრაქტის ღირებულების

5%-ს;

2.4. კონტრაქტორი ვერ უზრუნველყოფს კონტრაქტის შესრულების უზრუნველყოფის საბანკო გარანტიის ვადის გაგრძელებას, რომლის მოქმედების ვადაც უნდა ემთხვეოდეს შესრულებული სამუშაოების საგარანტიო ვადას;

2.5. კონტრაქტორის მიერ სამშენებლო სამუშაოების წარმოებისას არ იქნება მობილიზირებული საჭირო რაოდენობის და კვალიფიკაციის მქონე პერსონალი;

2.6. თუ მისთვის ცნობილი გახდება, რომ კონტრაქტორის მიერ მისი მდგომარეობის, კვალიფიკაციის და გამოცდილების შესახებ წარმოდგენილი მონაცემები და მონაცემების დამადასტურებელი დოკუმენტები ყალბი აღმოჩნდება;

2.7. კონტრაქტორის მიმართ გადახდისუუნარობის, გაკოტრების საქმის ან სხვა მსგავსი წარმოების განხსნის შემთხვევაში.

2.8 კონტრაქტორი ორჯერ ან მეტჯერ ჩამორჩა დანართ N- -ში მოცემულ სამუშაოებს;

2.9 კონტრაქტორმა, სნგკ-ს სათანადო შეტყობინების მიღებიდან შეტყობინებაში მითითებულ ვადებში ვერ შეძლო გეგმა გრაფიკით/დანართი N- ნაკისრი სამუშაოს შესრულება;

3. სნგკ უფლებამოსილია ცალმხრივად შეწყვიტოს წინამდებარე ხელშეკრულება მისი მოქმედების ნებისმიერ ეტაპზე.

4. სნგკ-ს და კონტრაქტორს შეუძლიათ ურთიერთშეთანხმებით, ორმხრივად შეწყვიტონ კონტრაქტი მისი მოქმედების ნებისმიერ ეტაპზე.

5. კონტრაქტის შეწყვეტის შემთხვევაში კონტრაქტორი დაუყოვნებლივ წყვეტს სამუშაოებს, უზრუნველყოფს ობიექტის უსაფრთხოებას და კონტრაქტორსა და სნგკ-ს შორის შეთანხმებულ გონივრულ ვადებში ტოვებს ობიექტს.

6. თუ სნგკ კონტრაქტს შეწყვეტს კონტრაქტორის მიერ ნაკისრი ვალდებულებების შეუსრულებლობის ან არაჯეროვნად შესრულების გამო, აღნიშნულ შემთხვევაში კონტრაქტორი ვალდებული იქნება კონტრაქტის შეწყვეტიდან ერთი თვის ვადაში აუნაზღაუროს სნგკ-სათვის მიყენებული ყველა ზიანი და ზარალი და ასევე უზრუნველყოს სნგკ-ს დაცვა ზიანთან დაკავშირებული მესამე პირებს სამართლებრივი პრეტენზიებიდან.

34. ავანსის გადახდისათვის სნგკ-სათვის წარსადგენი საბანკო გარანტია

1. ავანსის მოთხოვნის შემთხვევაში კონტრაქტორის მიერ სნგკ-სათვის საავანსო გადახდაზე წარდგენილ უნდა იქნეს უპირობო და გამოუთხოვადი საბანკო გარანტია კონტრაქტის ღირებულების ---% ოდენობით. აღნიშნული საბანკო გარანტიის მოქმედების ვადა არანაკლებ 60 (სამოცი) კალენდარული დღით უნდა აღემატებოდეს ხელშეკრულებით გათვალისწინებული სამუშაოების სრული მოცულობით დასრულების ვადას. გარანტიის გამცემ ბანკს უნდა ჰქონდეს სულ მცირე „B+ რეიტინგი“ „Fitch Rating“-ის შესაბამისად ან სხვა საერთაშორისო სარეიტინგო სააგენტოს მიერ მინიჭებული ექვივალენტური რეიტინგი. საბანკო გარანტიაში ბენეფიციარად მითითებულ უნდა იყოს სს „საქართველოს ნავთობისა და გაზის კორპორაცია“.

2. კონტრაქტის 34.1 პუნქტში აღნიშნული საბანკო გარანტია უნდა ითვალისწინებდეს ბანკის უპირობო და გამოუთხოვად ვალდებულებას მოახდინოს საბანკო გარანტით განსაზღვრული თანხის სრულ ან მის ნაწილობრივ ანაზღაურება.

3. ხელშეკრულების შეწყვეტის შემთხვევაში შემსყიდველი უფლებამოსილია აინაზღაუროს აუთვისებელი ავანსი ავანსის უზრუნველყოფის საბანკო გარანტიიდან.

35. ხელშეკრულების შესრულების უზრუნველყოფის საბანკო გარანტია

1. კონტრაქტორი ხელშეკრულების ხელმოწერამდე სნგკ-ს წარუდგენს ხელშეკრულების შესრულების უზრუნველყოფის უპირობო და გამოუთხოვად საბანკო გარანტიას, კონტრაქტის ღირებულების ---- პროცენტის (- %) ოდენობით. ამგვარი საბანკო გარანტიის მოქმედების ვადა 13 (ცამეტი) თვით უნდა აღემატებოდეს სამუშაოების დასრულების თარიღს. გარანტია გაცემული უნდა იყოს საქართველოში ლიცენზირებული კომერციული ბანკის/სადაზღვევო კომპანიის მიერ. იმ შემთხვევაში, თუ გარანტიის გამცემი არ იქნება საქართველოში ლიცენზირებული კომერციული ბანკი/სადაზღვევო კომპანია, შესაძლებელია წარმოდგენილ იქნას მხოლოდ საბანკო დაწესებულების მიერ გაცემული საბანკო გარანტია, რომლის გამცემ ბანკს რეიტინგი უნდა ჰქონდეს მინიმუმ „B+“ რეიტინგი „Fitch Rating“-ით ან სხვა საერთაშორისო სარეიტინგო სააგენტოს მიერ მინიჭებული ექვივალენტური რეიტინგი. საბანკო გარანტია. საბანკო გარანტიაში ბენეფიციარად მითითებულ უნდა იყოს სნგკ.

2. კონტრაქტის 35.1 პუნქტში აღნიშნული საბანკო გარანტია უნდა ითვალისწინებდეს ბანკის უპირობო და გამოუთხოვად ვალდებულებას საბანკო გარანტიის სრული თანხის სნგკ-სათვის ანაზღაურებაზე.

3. ხელშეკრულების შესრულების უზრუნველყოფის საბანკო გარანტიით განხორციელებული გადახდა არ ათავისუფლებს კონტრაქტორს კონტრაქტის შეუსრულებლობით სნგკ-თვის მიყენებული და საგარანტიო თანხით აუნაზღაურებელი ზიანის (ზარალის) ანაზღაურების ვალდებულებისაგან.

4. იმ შემთხვევაში თუ კონტრაქტორის მიერ ვერ ესწრება სამუშაოების სრული მოცულობით შესრულება დასრულების თარიღამდე, კონტრაქტორი ვალდებულია სნგკ-ს წერილობითი მითითებიდან 5 კალენდარული დღის ვადაში კონტრაქტის შესრულების უზრუნველყოფის საბანკო გარანტიას გაუგრძელოს მოქმედების ვადა იმგვარად, რომ დაცული იყოს 35.1 პუნქტში მითითებული დროის პერიოდი.

5. კონტრაქტორის მიერ წინამდებარე კონტრაქტით გათვალისწინებული ვალდებულების შეუსრულებლობის ან არაჯეროვნად შესრულების შემთხვევაში სნგკ უფლებამოსილია სრულად გამოიყენოს ხელშეკრულების უზრუნველყოფის საბანკო გარანტია კონტრაქტორთან კონტრაქტის შეწყვეტის ან მისი არ შეწყვეტის შემთხვევაში.

36. ფორს-მაჟორი

1. არც ერთი მხარე არ აგებს პასუხს და თავისუფლდება პასუხისმგებლობისაგან საკუთარი ვალდებულებების შეუსრულებლობის გამო, თუ შეუსრულებლობის მიზეზია ფორს-მაჟორული გარემოებები - გადაულახავი ძალა, რომლის წარმოშობა არ არის დამოკიდებული მხარეებზე და რომლის არსებობის ან წარმოშობის შესახებ კონტრაქტის დადების მომენტში მხარეებს არ შეეძლოთ სცოდნოდათ.

2. ფორსმაჟორად ჩაითვლება, მაგრამ არ შემოიფარგლება, შემდეგი გარემოებები:

- ა) სტიქიური უბედურებანი (ხანძარი, წყალდიდობა, მიწისძვრა), მათ შორის რთული მეტეოროლოგიური პირობები, რომელთა არსებობის პირობებში სამუშაოს წარმოება საფრთხეს შეუქმნის დასაქმებული მუშახელის სიცოცხლესა და ჯანმრთელობას, სამუშაოსათვის მობილიზებულ ტექნიკასა და მანქანა-დანადგარებს, სნგკ-ს მიერ გადაცემულ მასალებს;
- ბ) გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, ოკუპაცია, ანექსია, საგანგებო მდგომარეობის გამოცხადება სამშენებლო სამუშაოების წარმოების ტერიტორიაზე ან მის უშუალო სიახლოვეს;
- გ) ეპიდემიები;
- დ) ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტის გამოცემა, რომელიც ზემოქმედებს მხარეების მიერ კონტრაქტით ნაკისრი ვალდებულებების შესრულებაზე და ცვლის, აბათილებს ან აჩერებს კონტრაქტის დებულებებსა და პირობებს;
- ე) რომელთა არსებობა შეუძლებელს ხდის სამშენებლო სამუშაოების სამშენებლო წესებისა და ნორმების დაცვით წარმოებას;

3. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და სხვა) და არაუგვიანეს მათი წარმოშობიდან მეორე კალენდარული დღისა წარმომადგენლობაზე უფლებამოსილი პირის მიერ ხელმოწერილი წერილით.

4. ფორს-მაჟორული გარემოებების არსებობა ავტომატურად არ იწვევს კონტრაქტის გაუქმებას. მხარეები ვალდებული არიან განსაზღვრონ წინამდებარე კონტრაქტის ფორს-მაჟორულ მოვლენებთან მისადაგების საკითხი. მხარე, რომელსაც ეხება ფორსმაჟორული გარემოება, შესაძლებლობის ფარგლებში ვალდებულია, მოიძიოს ალტერნატიული გზები თავისი ვალდებულებების შესრულების მიზნით.

5. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ კონტრაქტით ნაკისრი ვალდებულებების შესრულებას.

6. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა თუ მხარეთა შორის არ იქნა მიღწეული სხვაგვარი შეთანხმება.

7. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

37. მარეგულირებელი კანონმდებლობა, დავების გადაწყვეტა

1. კონტრაქტი რეგულირდება საქართველოს კანონმდებლობით და მასთან დაკავშირებული ან მისგან გამომდინარე ნებისმიერი დავა მხარეთა შორის გადაწყდება საქართველოს კანონმდებლობის შესაბამისად.

2. ნებისმიერი დავა მხარეთა შორის წყდება ურთიერთმოლაპარაკების გზით. თუ მხარეები ვერ შეთანხმდებიან, დავა გადაწყდება საქართველოს სასამართლოს მიერ.

38. კონტრაქტის ძალაში შესვლა და მოქმედების ვადა

1. კონტრაქტი ძალაში შედის მხარეთა მიერ მისი ხელმოწერის დღიდან და მოქმედებს 201- წ _____.

2. ხელშეკრულების შესაბამისი მუხლები ძალაში რჩება მხარეთა მიერ ნაკისრი ვალდებულებების სრულ ამოწურვამდე.

39. დასკვნითი დებულებები

1. წინამდებარე ხელშეკრულების ნებისმიერი მუხლის, პუნქტის ან/და დებულების ბათილად ან/და ძალადაკარგულად ცნობა არ ახდენს გავლენას მთლიანად ხელშეკრულების ან მისი დანარჩენი მუხლების, პუნქტების ან/და დებულებების ნამდვილობაზე.
2. წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით (შემსყიდველის ელექტრონული ფოსტაა - public@gigc.ge; მიმწოდებლის ელექტრონული ფოსტაა: XXXXXXX).
3. წინამდებარე ხელშეკრულების ყველა დანართი და/ან ცვლილება და/ან დამატება წარმოადგენს ამ ხელშეკრულების განუყოფელ ნაწილს.

40. მხარეთა რეკვიზიტები და ხელმოწერები

სს „საქართველოს ნავთობისა და გაზის კორპორაცია“
21 კახეთის გზატკეცილი, თბილისი, საქართველო,
ტელ: +99532 244040
ფაქსი: + 99532 244041
საქართველოს ბანკი BAGAGE22 GE80BG0000000145770000
TBC ბანკი TBCBGE22 GE71TB7895736030100001

ზაქარია ავალიანი
დირექტორი ტექნიკურ საკითხებში